



Sra. Marlene Peterson

mama sumamente orguyoso di su dos yiunan

Information Technology Management na "Instituto de Empresa Business School" na Madrid.

Algo di remarca ta cu tur dos ruman tin e mesun stem, pero Roger so a desaroye.

Tempo cu Ryan tabata chikito y cu Esso Club tabata existi, tur fin di aña pa e temporada di Sinterklaas, nan tabata bishita e Club y manera cu nan a yega, nan tabata pidi pa Ryan canta tur cantica, ya cu su vos tambe ta unico y e tabata haci esaki cu hopi brio.

Na aña 1998 Ryan a bin cu su enamorada for di Hulanda pa e famia conoce y den un bishita cu tabata tin na The Black Hog Saloon, Roger tabata tin un presentacion y a pidi si tin un persona den publico cu kier a canta, ni un hende a reaccioná, e ora Ryan a decidi di bai canta hunto cu su ruman, e tabata un experiencia unico, mira y tende con e dos ruman ta canta contestando otro, den un armonia y vosnan unico, un motivo di orguyo y admiracion.

E ta conta con Roger desde cu e tabata tin 1 aña y mey ya e tabata canta den su cama prome cu e tabata bay drumi, te ora e pega soño; su ruman tabata rabia hopi mes pasobra e no tabata lage drumi, tur anochi su mes tabata canta serenata pa e por drumi.

Algo cu e ta corda bon, ta ora bo manda Roger den su camber pa straf, Roger no tabata worry; asina e sera e porta su tras,

bo ta tende ta toca guitarra y canta sin fin. Awor, con bo ta bisele cu e no mag di canta? Cantamento ta Roger su bida.

Roger, mescos cu Ryan, despues di a terminá su estudio na Aruba a biaha pa Hulanda na augustus 2000 pa bai studia "Sociaal Cultureel Medewerker", pero despues di tempo e la cambia di estudio y a cuminsa e proceso pa e por drenta Rock Academie na Tilburg.

E seleccion tabata pisa como cu e cuponan ta limita, pero asina mes Roger a logra cuminsa su estudio na augustus 2001.

Esaki tabata e principio di su soño tan anhelá, esta di desaroya riba terreno di canto y musica.

Sra Peterson ta un mama hopi orguyoso, di a lanta su dos yiunan cu hopi amor, respet y principianan.

E ta kere cu e miho forma pa educa su yiunan ta reconociendo e caracter di cada un y asina e por a guianan cada un di acuerdo cu nan caracter.

Den e entrevista aki bo por a ripara cu Sra. Peterson a conta masha poco di su mes, esey ta pasobra su funcion di mama a wordo realiza y papia di su yiunan ta expresa e calidad di mama cu Sra. Peterson ta.

Pa mira su yiunan awendia ta pa manifesta e trabao realiza di un mama.



Roger

Marlene

Romeo

Ryan

Sra. Marlene Peterson ta un mama sumamente orguyoso di su yiunan Ryan y Roger.

E la nace na Curaçao, el a sera conoci cu Romeo den un di su biahenan di trabao, haciendo testnan psicologico, di aki a nace un romance cu a termina den matrimonio, y di e union aki a nace su dos yiunan.

Sra. Marlene ta un persona cu semper a traha mitar dia pa e por tin suficiente tempo pa dedica na su yiunan ora cu nan bini for di scol.

Pe, ta un satisfacion hopi grandi di mira con actualmente su dos yiunan ta desaroyando profesionalmente exitoso. Ryan a nace na Aruba na aña 73 y Roger 8 aña despues.

Despues di a termina su studio na Aruba, Ryan a bai Hulanda na Juli 1991. Di 1991 pa 1996 Ryan a studia "Toegepaste Onderwijskunde" na Universidad di Twente na Enschede, cual e a termina cu exito na April 1996.

Di 1996 pa 1999 Ryan a traha na un Research Center y na April 2002 Ryan a consigui su Doctorado (PhD) den "Information Technology" na Universidad di Tilburg.

Di 1999 pa juli 2002 Ryan tabata docente na Universidad di Tilburg dunando les den e materia di Information Technology Management.

Ryan ta casa cu Leonie Boekamp y nan tin un baby boy Roan di 9 luna.

Na augustus 2002 Ryan y su famia a muda pa España, caminda Ryan ta profesor di

Roger su biografia ta de